



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Lvitprandi Ticinensis Diaconi Opvscvlvm, De Vitis  
Romanorvm Pontificvm**

**Liutprandus <Cremonensis>**

**Mogvntiae, 1602**

LXV. Pelagivs II.

**urn:nbn:de:hbz:466:1-11115**



te comprobat Chorepiscopos Episcopos non esse, nec aliquid de priuilegio Pontificali debere agere, & ad hoc probandum introducit Linum & Cletum, quamuis adiutores Petri fuissent, nullam tamen potestatem Pontificalem habuisse, sed exteriora tantum ministrasse. Et quia sententiam & verba ipsa notauimus cum de Clemētis ordine & actione in principio huius opusculi scripsimus, ad cætera quæ instant transire non incongruum esse existimamus. Hic ordinauit Episcopos 59. Presbyteros 28. diaconos 12. Obiit autem 2. Idus Iulii.

LXIV.

BENEDICTVS.

A. D. LXXIII.

**B**ENEDICTVS, natione Romanus, ex patre Bonifacio, sedit años 4. mēsem 1. dies 28. Scripsit autem iste Dauid Episcopo, & illos, qui dicebant, neminem in veritate posse probare Trinitatē vnitatē fieri, cū neq; tres vnū, neq; vnū in tribus possit à quoquā approbari, iussit, vt ad rectam fidem conuerti faceret, aut ab Ecclesia repelleret. Et multis modis probauit, & auctoritate multorum firmavit, vnitatem substantiæ esse in personarum Trinitate, & personarum trinitatem esse in substantiæ vnitate. Huius temporibus valida fame afflictus est populus Romanus. Hic ordinauit Episcopos 21. presbyteros 15. diaconos 4. Obiit autē 2. Kalend. Augusti.

LXV.

PELAGIVS II.

A. D. LXXVI.

**P**ELAGIVS, natione Romanus, ex patre Vingildo, sedit annos 10. menses 2. dies 10. Hic ordinatus est absq; Principis iussione eo quod Longobardi obsiderent ciuitatem Romanam. Eo tempore tantæ pluuiæ fuerunt, vt omnes dicerent, quod aquæ diluuii superinundarent: & talis clades fuit, qualē à seculis nullus fuisse meminit. Hic orientalib. Episcopis vniuersis, quos Ioannes Constantinopoliitanus Episcopus præsumptiuè ad Synodum conuocauerat, scribit, & mandat eis, si nolint cum prædicto Ioanne damnari, <sup>a epist. 1.</sup> consentiendo ei, à superba præsumptione recedant, & pœnitentiam agere studeant, quia necesse est ea cassari, quæ contra ordinem & auctoritatem facta esse noscuntur. Scribebat enim se esse Episcopum vniuersalem, & ex hac sua præsumptione conuocabat Synodum generalem, cum generalem Synodum conuocandi auctori-



tas Apostolicæ sedi B. PETRI priuilegio singulari sit tradita. ITEM eosdem dubitantes, quæ dicenda esset certa prouincia, informat, & instruit dicens. *Scitote certam prouinciam esse, quæ habet decem vel undecim ciuitates & unum regem, & totidem minores\* ciuitates sub se, & unum Episcopum, aliosq; \* suffraganeos decem vel undecim Episcopos iudices, ad quorum iudicium omnes causæ Episcoporum & reliquorum sacerdotum ac ciuitatum causæ referantur, ut ab his omnibus iuste consona voce discernantur.*

*6. q. 3. c. scitote. \* potestates \* suffragatores*  
ITEM Benigno Archiepiscopo de Episcoporum transmutatione consulenti transmittit<sup>b</sup> epistolam, in qua eum, qualiter regulariter transmutari vel non possint plenissimè instruit. & hæc iam supra notauimus. Item in eadem prædictum Archiepiscopum ad iustitiam sectandam hortando dicit. *Dona iniquorum non probat Altissimus, nec respicit in oblationibus iniquorum, nec in multitudine sacrificiorum eorum peccatis propitiabitur. Item, Qui offert sacrificium de substantia pauperum, quasi in conspectu patris uictimat filium. Item. Qui baptizatur à mortuo, & iterum tangit mortuum, quid proficit lauatio eius? sic & homo, qui ieiunat in peccatis suis, iterum eadem faciens, quid proficit humiliando se orationem eius quis exaudiet? In omni dato hilarem fac vultum tuum, & in exultatione sanctifica decimas tuas.*

*epist. 2.*  
ITEM vniuersis Episcopis, & specialiter Campaniæ & Italiæ Episcopis scripsit<sup>c</sup>, & ad monitionem Episcoporum, quæ sæpenu-  
*epist. 3.* merò à prædecessoribus suis posita, & superius annotata sunt, videlicet, de accusatoribus & cæteris pleniter posuit, & inter cætera de monachis dicit. *Nullusq; monachus talia vsquequaq; arripiat, nec secularia, aut Ecclesiastica negotia perturbare psumat, q; vox eorum in talibus est mortua.*

*2. q. 7. c. nullus.*  
ITEM Episcopis regionum Germaniæ & Galliæ intrui rogâ-  
*4. epist. De conf. d. 1. c. inuenimus. \* veritas* tibus præfationum ordinem, quem Ecclesia Romana seruaret, re-  
*\* has tenendas vobis mandamus.* scripsit<sup>d</sup> ita dicēs. *Sacrū ordinē Romanū, sacrag; cōstituta nostrorū antecessorū sollerter relegentes, inuenimus has nouē præfationes in sacro catalogo solummodo recipiendas, quas longa retro\* vetustas in Romana Ecclesia hæctenus seruauit. vnā, in Albis Paschalibus, aliā de Ascensione Domini, tertiam de Pentecoste, quartā de Natiuitate Domini, quintā de apparitione Domini, sextā de Apostolis, septimā de S. Trinitate, octauā de cruce, nonā de ieiunio Quadragesimæ. \* Si quis his supradictis dempserit, vel addiderit, anathema sit. Hic ordinauit Episcopos 48. presbyteros 28. diacon. 8. Obiit. a. 7. Id. Feb.*

LXVI.

## S. GREGORIVS.

GREGORIVS, natione Romanus, ex patre Gordiano, sedit annos 13. menses 6. dies 10. Hic fecit 40. homilias, & exposuit Iob & Ezechielē. composuit dialogum & Pastoralē curā. Scripsit et numero-